

**UGOVOR O NABAVCI USLUGE:
PRUŽANJE PODRŠKE ZA MREŽNE UREĐAJE**

zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Naručilac)
ID: 4200494560007

i

2. VERSO doo Sarajevo, ul. Emerika Bluma 23, 71 000 Sarajevo, koga zastupa direktor Haris Čeremida (u daljem tekstu: Izvršilac)

ID broj: 4201511450004

Broj transakcijskog računa: 3386902248453034 otvoren kod UniCredit bank dd

Ovaj Ugovor se zaključuje na osnovu Odluke broj: 0101-6949-4/18 od 17. 01. 2019. godine o izboru najpovoljnijeg ponuđača i dodjeli ugovora, koja je donesena nakon provedenog KONKURENTSKOG ZAHTJEVA za dostavljanje ponuda, za koji je dana 12. 12. 2018. godine na Portalu javnih nabavki BiH, objavljeno Obavještenje o nabavci broj: 999-7-2-173-3-62/18.

I. PREDMET UGOVORA

Član 1.

Predmet ovog Ugovora je nabavka usluge: **PRUŽANJE PODRŠKE ZA MREŽNE UREĐAJE** (u daljem tekstu: usluga) za potrebe i po zahtjevu Naručioca, u svemu prema Tenderskoj dokumentaciji broj: 0101-6949-3/18 od 12. 12. 2018. godine (u daljem tekstu: Tenderska dokumentacija Kupca) i ponudi Prodavca broj: 20181221-1-AC od 21. 12. 2018. godine (u daljnjem tekstu: Ponuda Prodavca), koje čini sastavni dio ovog Ugovora.

II. CIJENA

Član 2.

(1) Ukupna cijena predmeta ugovora: **PRUŽANJE PODRŠKE ZA MREŽNE UREĐAJE** iznosi:

11.930,00 KM bez PDV-a, odnosno:

(slovima: 11.930,00 KM i 00/100)

13.958,10 KM sa PDV-om (17%)

(slovima: trinaest hiljadadevetstoinapadesetosam KM i 10/100).

(2) Cijene usluge obuhvataju sve troškove do izvršenja ugovorene usluge.

(3) Ugovorena cijena iz stava 1. ovog člana je fiksna i neće se mijenjati tokom perioda realizacije ugovora.

III. MJESTO IZVRŠENJA USLUGE

Član 3.

Mjesto izvršenja usluge iz člana 1. ovog Ugovora je:

- Univerzitetski tele-informatički centar Univerziteta u Sarajevu, Zmaja od Bosne broj 8.

IV. ROK I NAČIN IZVRŠENJA USLUGE

Član 4.

Rok za izvršenje, odnosno implementaciju usluge, iznosi 15 dana od dana potpisivanja Ugovora.

Član 5.

- (1) Izvršilac je dužan da izvrši uslugu u skladu sa zahtjevima iz Tenderske dokumentacije Naručioca i Ponudom Izvršioca.
- (2) Ukoliko ovlaštena lica Naručioca utvrde da izvršena usluga nije u skladu sa zahtjevom iz Tenderske dokumentacije Naručioca i Ponudom Prodavca, Izvršilac je dužan eventualne prigovore na izvršenu uslugu izvršiti odmah, a najkasnije u roku od 5 (pet) dana od dana isticanja prigovora.
- (3) Ukoliko Izvršilac u ostavljenom roku ne izvrši uslugu bez nedostataka, odnosno nedostatke ne otkloni, Naručilac ima pravo da raskine ugovor i zahtijeva naknadu štete.
- (4) Prilikom izvršenja ugovorene usluge koja odgovara zahtjevima navedenim u Tenderskoj dokumentaciji Naručioca i Ponudi Prodavca, sastavlja se „Zapisnik o izvršenju usluge“ koji potpisuju ovlaštena lica Naručioca i Izvršioca.

V. UGOVORNA KAZNA

Član 6.

- (1) Ukoliko Izvršilac svojom krivicom ne izvrši uslugu u roku utvrđenom u članu 4. ovog Ugovora, a ne radi se o višoj sili, Izvršilac se obavezuje da Naručiocu plati ugovornu kaznu u visini od 0,2 % od ukupne ugovorene vrijednosti usluge, za svaki dan kašnjenja, a najviše 5 % (pet posto) od ukupno ugovorene vrijednosti usluge.
- (2) Izvršilac je dužan platiti ugovornu kaznu u roku od 7 (sedam) dana od dana prijema zahtjeva od strane Kupca.
- (3) Izvršilac neće platiti ugovornu kaznu ako dokaže da nije kriv za kašnjenje u izvršenju usluge. Izvršilac će platiti samo dio ugovorne kazne koji je srazmjern njegovoj krivici, ako dokaže da je samo djelimično kriv za kašnjenje.
- (4) Naručilac neće moći naplatiti ugovornu kaznu ukoliko je do kašnjenja došlo usljed više sile.
- (5) Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati, niti ih predvidjeti.
- (6) Ukoliko je zbog kašnjenja Izvršioca u izvršenju usluge Naručilac pretrpio štetu koja je veća od iznosa ugovorne kazne, Naručilac može, umjesto ugovorne kazne od Izvršioca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

VI. NAČIN PLAĆANJA

Član 7.

- (1) Ugovorne strane su saglasne da će Naručilac izvršiti plaćanje izvršene usluge u roku od 30 (trideset) dana od dana prijema potpisane i ovjerene fakture od strane Izvršioca.
- (2) Plaćanje se vrši na transakcijski račun Izvršioca, odnosno podugovarača (ako Izvršilac ima namjeru da dio ugovora podugovaranjem prenese na podugovarača i ako je predviđeno direktno plaćanje podugovaraču).

- (3) Izvršilac je dužan da uz fakturu dostavi potpisan „Zapisnik o izvršenju usluge“.
- (4) Izvršilac dostavlja fakturu sa propratnom dokumentacijom na Pisarnicu Univerziteta u Sarajevu, Obala Kulina bana 7/II, 71 000 Sarajevo.

VII. OBAVEZE NARUČIOCA

Član 8.

- (1) Naručilac se obavezuje da:
- Izvršiocu odredi termin za izvršenje predmetne usluge;
 - izvrši ocjenu izvršene usluge, bez nedostataka;
 - da plati primljenu fakturu Prodavca, u skladu sa članom 7. stav (1) ovog Ugovora.

VIII. OBAVEZE IZVRŠIOCA

Član 9.

Prodavac se obavezuje da:

- izvrši uslugu prema zahtjevima iz Tenderske dokumentacije Naručioca i Ponude Izvršioca;
- izvrši uslugu u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Naručioca važećim propisima, pravilima i standardima struke za ovu vrstu posla, štiti prava i interese Naručioca, te da ga obavještava o toku realizacije Ugovora;
- riješi eventualne prigovore Naručioca potpisane od strane ovlaštenog predstavnika Naručioca,
- ispostavi fakturu za izvršenu uslugu.

IX. RASKID UGOVORA

Član 10.

- (1) Naručilac ima pravo jednostrano raskinuti ovaj Ugovor i pravo na naknadu eventualne štete u slijedećim slučajevima:
- ukoliko Izvršilackasni sa isporukom robe iz neopravdanih razloga,
 - ukoliko izvršena usluga ne odgovara propisima i standardima za tu vrstu usluge i kvalitetu navedenom u Tenderskoj dokumentaciji Naručioca i Ponudi Izvršioca,
- (2) Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.
- (3) Obavijest mora sadržavati razlog raskida ugovora.
- (4) U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

X. ZAVRŠNE ODREDBE

Član 11.

U skladu sa članom 72. stav (6) Zakona o javnim nabavkama BiH, Izvršilac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala

komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 12.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 13.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 14.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 15.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana.

ZA NARUČIOCA
Rektor

Prof. dr. Rifat Škrijelj

Broj: 0101-6949-5/18/
Sarajevo, 18. 01. 2019.g.



ZA IZVRŠIOCA
Direktor

Haris Ceremida

Broj: 003/19-3
Datum, 21.01.2019.